

TEKS UCAPAN LT. KOL. PROF. DATO' DR. KAMARUDIN HUSSIN PADA MAJLIS PELANCARAN SAMBUTAN BULAN KEMERDEKAAN DAN KEMPEN KIBAR JALUR GEMILANG PERINGKAT KUKUM DI DATARAN HAL EHWAL PELAJAR DI KUBANG GAJAH, ARAU PADA 17 OGOS 2004.

BISMILLAH HIRRAHMAN NIRRAHIM

ASSALAMUALAIKUM WARAHMATULLAHI TAALA WABARAKATUH DAN SALAM SEJAHTERA.

YANG BERBAHAGIA PROF. DR. ALI YEON MD. SHAKAFF, TIMBALAN REKTOR KUKUM,

PEGAWAI-PEGAWAI UTAMA KUKUM,

YANG BERUSAHA MEJAR (B) HAJI BAKRI HAMID, PENERUSI MAJLIS PELANCARAN KEMPEN KIBAR JALUR GEMILANG DAN SAMBUTAN BULAN KEMERDEKAAN PERINGKAT KUKUM,

DEKAN-DEKAN DAN KETUA-KETUA JABATAN,

WAKIL-WAKIL MEDIA YANG DISANJUNGI,

WARGA KERJA DAN MAHASISWA-MAHASISWI KUKUM YANG DIKASIHI.

BERSYUKUR KE HADRAT ALLAH SUBBAHANU WA TAALA DI ATAS LIMPAH KURNIA, KASIH DAN SAYANG SERTA DENGAN IZIN-NYA DAPAT KITA BERKUMPUL PADA PETANG INI UNTUK BERSAMA-SAMA DI MAJLIS PELANCARAN SAMBUTAN BULAN KEMERDEKAAN DAN KEMPEN KIBAR JALUR GEMILANG PERINGKAT KUKUM 2004. SESUNGGUHNYA KEHADIRAN TUAN-TUAN DAN PUAN-PUAN SEMUA PASTI MENYEMARAKKAN LAGI PROGRAM KITA PADA PETANG INI DAN SETERUSNYA MEMBERI SOKONGAN YANG PADU DALAM AKTIVITI YANG DIANJURKAN OLEH PIHAK UNIVERSITI.

UNTUK MAKLUMAN SEMUA PADA HARI INI JUGA SAMBUTAN BULAN KEMERDEKAAN DILANCARKAN SECARA SERENTAK DI SELURUH NEGARA.

SAYA AMAT BERHARAP MAJLIS SEUMPAMA INI, DAPAT MENGERATKAN LAGI HUBUNGAN SILATURAHIM, PERSEFAHAMAN, KEMESRAAN DAN KERJASAMA SESAMA KITA. JALINAN KESEMUA FAKTOR INI PENTING BAGI MENJAMIN PERPADUAN DAN KEHARMONIAN WARGA KUKUM KHUSUSNYA DAN RAKYAT DI NEGARA INI AMNYA.

TERLEBIH DAHULU DI KESEMPATAN INI SAYA INGIN MERAKAMKAN UCAPAN SETINGGI-TINGGI TAHNIAH DAN SYABAS KEPADA JAWATANKUASA INDUK DAN JAWATAKUASA KECIL SAMBUTAN BULAN KEMERDEKAAN KERANA USAHA GIGIH DAN DEDIKASI TUAN –TUAN DAN PUAN-PUAN SEMUA MERENCANA, MERANCANG, MENYUSUN DAN SETERUSNYA MENZAHIRKAN PELBAGAI AKTIVITI DAN PROGRAM YANG AKAN DIREALISASIKAN PADA SAMBUTAN BULAN KEMERDEKAAN DI PERINGKAT UNIVERSITI INI.

HASIL PEMUAFAKATAN DAN CANAIAN IDEA YANG BERNAS AHLI JAWATANKUASA INDUK DAN JAWATANKUASA KECIL SAMBUTAN BULAN KEMERDEKAAN MURNI INI MAKA LAHIRLAH 10 PROGRAM DAN AKTIVITI YANG DIRASAKAN CUKUP MANTAP DALAM MELAHIRKAN WARGA KUKUM YANG PATRIOTIK DAN NASIONALIS.

MAJLIS PELANCARAN SAMBUTAN BULAN KEMERDEKAAN YANG AKAN DILANCARKAN SERENTAK DENGAN KEMPEN KIBAR JALUR GEMILANG PERINGKAT KUKUM SEBENTAR LAGI AKAN DIKUTI PULA DENGAN PROGRAM JALAN KAKI PATRIOTIK 10 KM KUKUM, PROGRAM 'ONE HOME ONE TREE', PELANCARAN JALUR GEMILANG GERGASI, PERTANDINGAN KARAOKE PERINGKAT KUKUM, PERBARISAN DAN KAWAD HARI KEBANGSAAN, PERTANDINGAN SENAMROBIK DAN POCO-POCO, FESTIVAL NASYID KUKUM EDISI KE-2, MAJLIS KESYUKURAN SEMPENA KEMERDEKAAN MALAYSIA KE-47, HARI KO-KURIKULUM KEMERDEKAAN KUKUM, MALAM KESENIAN KUKUM DAN PERTANDINGAN NASYID IPTA

PERINGKAT KEBANGSAAN DAN SETERUSNYA DENGAN UPACARA PENUTUP SAMBUTAN BULAN KEMERDEKAAN KUKUM PADA 16 SEPTEMBER 2004 NANTI.

HADIRIN DAN HADIRAT SEKALIAN,

SESUNGGUHNYA AKTIVITI-AKTIVITI YANG TELAH DIRANGKA DAN DISUSUN INI KESEMUAANYA BERPAKSIKAN KEPADA SATU MATLAMAT IAITU MENYEMAI SEMANGAT PATRIOTISME DAN NASIONALISME DI KALANGAN KITA SEMUA SEBAGAI WARGANEGARA.

IBARAT KATA BIDALAN, JIKA TIDAK LALU DANDANG DI AIR, DI GURUN DIRANGKAKAN. INILAH SAATNYA BAGI KITA SEMUA MENUMPAHKAN RASA TAAT SETIA DAN MELUAHKAN KECINTAAN BUAT NEGARA MALAYSIA YANG TERCINTA.

SEBAGAI WARGANEGARA, KITA SEHARUSNYA BERASA SYUKUR DAN BERTUAH MENJADI SEBAHAGIAN DARIPADA RAKYAT NEGARA YANG BERDAULAT DAN MERDEKA KERANA KITA DAPAT MENGECAPI KEHIDUPAN DALAM SUASANA YANG HARMONIS, AMAN DAN SEJAHTERA. DENGAN NIKMAT KEMERDEKAAN, RAKYAT DI NEGARA INI HIDUP LEBIH SELESA, HARMONI DAN MAKMUR SERTA BERTOLAK ANSUR DALAM MENJALIN HUBUNGAN DAN PERPADUAN KAUM.

PERPADUAN ADALAH SUATU NIKMAT YANG AMAT BERHARGA DAN TIDAK TERNILAI HARGANYA. KERANA ITU IA PERLU DIBELAI, DIPUPUK DAN DIPELIHARA DALAM DIRI KITA SEMUA AGAR KEMERDEKAAN MALAYSIA DAPAT DIPERTAHANKAN SAMPAI BILA-BILA WALAUPUN JASAD, NYAWA DAN MARUAH MENJADI TARUHAN.

HATTA KUKUM SEBAGAI INSTITUSI PENGAJIAN TINGGI AWAM SUDAH MENJADI TUGAS DAN TANGGUNGJAWAB KITA SEMUA UNTUK MENJADI NADI DAN TENAGA PENGGERAK UTAMA DALAM ARUS PEMBANGUNAN NEGARA.

KITA JUGA HARUS MENGEMBELENGKAN TENAGA SECARA BERSEPADU DALAM MENCORAKKAN MAHASISWA-MAHASISWI YANG BERJIWA PATRIOTIMSE DAN KENTAL AKAR UMBI NASIONALISMENYA. MEREKA-MEREKA INILAH YANG BAKAL MENJADI BARISAN PELAPIS KEPIMPINAN NEGARA SUATU HARI NANTI.

DI SAAT KITA BERKONVOI MENGIBARKAN BENDERA JALUR GEMILANG, SAYA MENYERU KEPADA TUAN-TUAN DAN PUAN-PUAN SEMUA MERENUNG SEJENAK KEPADA PERJUANGAN YANG TELAH DILALUI OLEH PEJUANG-PEJUANG KEMERDEKAAN TERDAHULU. DEK KERANA USAHA GIGIH DAN PENGORBANAN MEREKA TANPA MENGHARAPKAN APA-APA GANJARAN, KITA SEBAGAI ANAK CUCU MEREKA BOLEH HIDUP DALAM SUASANA PENUH AMAN DAN DAMAI.

SOROT LAH SEJENAK NASIB SAUDARA-SAUDARA KITA DI BUMI AFGHANISTAN, IRAQ, CHECNYA ATAU MANA-MANA BUMI YANG PERNAH BERGOLAK DENGAN PEPERANGAN. SETIAP SAAT BOM SERTA PELURU MENGHUJANI BUMI MEREKA. BAGAIKAN HUJAN TURUN MEMBASAH TANAH YANG GERSANG, SETIAP SAAT YANG BERLALU PASTI ADA NYAWA YANG TERKORBAN, SETIAP SAAT JUGA ADA ISTERI YANG MENJADI BALU, DAN ANAK-ANAK MENJADI YATIM PIATU DAN SETIAP SAAT ITU JUGA LAH MANUSIA YANG TIDAK BERDOSA MENJADI CACAT KERANA KEHILANGAN ANGGOTA BADAN SERTA PANCAINDERA.

HADIRIN DAN HADIRAT SEKALIAN,

KEMPEN JALUR GEMILANG INI SECARA TIDAK LANGSUNG DAPAT MEMUPUK SEMANGAT PERPADUAN DI KALANGAN KITA SEMUA TANPA MENGIRA LATAR BELAKANG AGAMA YANG KITA ANUTI, WARNA KULIT YANG MENYALUTI TUBUH BADAN KITA, PANGKAT ATAU DARJAT.

BERSATU KITA TEGUH, BERCERAI KITA ROBOH. KATA-KATA AZIMAT TERSEBUT SUDAH CUKUP MENGGAMBARAKAN BETAPA KITA PERLU BERSATU HATI. SEJARAH TELAH MEMBUKTIKAN BETAPA KEAGONGAN SESUATU EMPAYAR ITU BUKAN HANYA TERLETAK KEPADA KEPIMPINAN YANG BIJAK BISTARI SEMATA-MATA TETAPI SEMANGAT, JATIDIRI DAN PERMUAFAKATAN RAKYAT JELATANYA. ELEMEN-ELEMEN TERSEBUT LAH YANG MENJADI RAHSIA SERTA TONGGAK KEKUATAN MEREKA.

SAYA AMAT BERTUAH DAN BERBANGGA KERANA WARGA KUKUM SELAMA HARI INI TELAH MENUNJUKKAN SIKAP YANG POSITIF. SALING BANTU-MEMBANTU DAN BEKERJASAMA SERTA BERSATU DALAM SETIAP BIDANG PEKERJAAN. IA CUKUP SEJAJAR DENGAN BUDAYA KERJA KITA YANG MEMENTINGKAN SEMANGAT BERPASUKAN.

BENAR LAH SUDAH KATA BIDALAN, YANG BERAT SAMA DIPIKUL DAN YANG RINGAN SAMA DIJINJING DAN PASTI APA JUGA PEKERJAAN YANG DILAKUKAN AKAN BERHASIL. DALAM SETIAP AKTIVITI YANG DIANJURKAN DI PERINGKAT UNIVERSITI, TUAN-TUAN DAN PUAN-PUAN SEMUA TELAH MEMBUKTIKAN, PEMUAFAKATAN DAN PERPADUAN YANG TELAH TERJALIN SEJENAK SEKELIAN LAMANYA MENJADI RESIPI KELANCARAN PENGANJURAN PROGRAM TERSEBUT.

SAYA AMAT BERHARAP SIKAP SEBEGINI DAPAT DITERUSKAN DARI MASA KE SEMASA KERANA PERJALANAN KITA SEBAGAI INSTITUSI PENGAJIAN TINGGI AWAM YANG PALING BONGSU DI NEGARA INI MASIH JAUH. SAYA INGIN MENYERU TUAN-TUAN DAN PUAN-PUAN SEMUA TERUSKAN LAH

USAHA MENGGEMBLENG TENAGA DAN UPAYA MEMBANGUNKAN KUKUM MENJADI UNIVERSITI YANG TERBAIK.

SELAIN DARI ITU SAYA MELIHAT KONVOI KIBAR JALUR GEMILANG INI DAPAT MENGERATKAN LAGI HUBUNGAN TALI SILATURAHIM ANTARA KUKUM DENGAN MASYARAKAT SETEMPAT. SAYA INGIN MENGUCAPKAN RIBUAN TERIMA KASIH YANG TIDAK TERHINGGA KEPADA RAKYAT NEGERI PERLIS KERANA TELAH BANYAK MEMBANTU DAN MEMBERI SOKONGAN YANG PADU KEPADA KUKUM SELAMA INI.

MOMENTUM KUKUM MUNGKIN TIDAK SELANCAR MANA TANPA SOKONGAN PADU RAKYAT NEGERI PERLIS. DALAM SETIAP AKTIVITI YANG DIANJURKAN. TIDAK PERNAH TIDAK KUKUM MENDAPAT BANTUAN, PERTOLONGAN DAN SOKONGAN DARI MEREKA SEMUA. JUSTERU ITU SAYA DENGAN PENUH KEIKHLASAN INGIN MENGUCAPKAN RASA TERIMA KASIH YANG TIDAK TERHINGGA DAN BERHARAP HUBUNGAN YANG BAIK INI DAPAT DITERUSKAN HINGGA KE MASA-MASA AKAN DATANG.

KEMPEN KIBAR JALUR GEMILANG INI JUGA SECARA TIDAK LANGSUNG DAPAT MEMPERKENALKAN KUKUM KEPADA MASYARAKAT SETEMPAT KHUSUSNYA DAN MALAYSIA AMNYA DENGAN LEBIH DEKAT LAGI. MUNGKIN MASIH ADA YANG BELUM MENGETAHUI FUNGSI DAN PERANAN KUKUM DI BUMI YANG BERTUAH INI. SAYA PERCAYA DENGAN AKTIVITI SEBEGINI, SEDIKIT SEBANYAK MASYARAKAT LUAR BOLEH MENGENALI KUKUM DENGAN LEBIH DEKAT.

SEBELUM MENGAKHIRI UCAPAN SAYA PADA PETANG INI, SAYA SEKALI LAGI INGIN MENGUCAPKAN SYABAS DAN TAHNIAH KEPADA JAWATANKUASA INDUK DAN JAWATANKUASA KECIL YANG TELAH MERANCANG PELBAGAI AKTIVITI SEPANJANG SAMBUTAN BULAN

KEMERDEKAAN PERINGKAT KUKUM INI. SAYA JUGA BERHARAP SEMUA WARGA KUKUM BAIK KAKITANGAN MAHUPUN MAHASISWA-MAHASISWINYA UNTUK SAMA-SAMA BERGANDING BAHU MENJAYAKAN SETIAP AKTIVITI YANG AKAN DIADAKAN KELAK.

DENGAN LAFAZ BISMILLAH HIRRAHMAN NIRRAHIM SERTA DENGAN IZIN ALLAH SUBBHANAHU WATAALA SAYA DENGAN INI MERASMIKAN SAMBUTAN BULAN KEMERDEKAAN PERINGKAT KUKUM DAN KEMPEN KIBAR JALUR GEMILANG. SAYA SUDAH DENGAN UCAPAN WABILLAHITAUFIK WALHIDAYAH WASSALAMUALAIKUM WARAHMATULLAHI TAALA WABARAKATUH.